

後日日存想不知在甚時或無時候
或只遇金火日存想夜間如何

一金水相生日起手鑄惟復日日鑄有
無時候夜間如何

一如何養一年

一如何磨劍

一金水木相生日如何是

一訣尾有心授之語

相剋相生謂之支干相生相剋之日心授乃
隱訣用之從師所指秘術也

方文行丹景道精隱地八術內玉皇道君

正諱隱名不同及不識天篆欲問下項

一八宮玉皇正諱

艮宮曰太器 震宮曰幽窈或曰幽

巽宮曰无英 離宮曰伯史

坤宮曰運珠 兌宮曰二儀或曰二儀

乾宮曰元輔 坎宮曰陰精

一紫清帝君

齋 齋 齋 齋 齋

實名雖不同然八宮皆北斗玉皇君之隱諱

各隨其所在而用之如金在石為鑲在錫為
之丹

方文欲問召使五女有何捷法六丁五女

名字與符多不同欲乞

教誨

五女之法皆出一宗然誠者易感今法之无

訛謬者莫先於白猿經

靈寶淨明黃素書釋義秘訣

三篇同卷

太上靈寶淨明入道品

靈寶淨明院真師齋誥

太上靈寶淨明法印式

身六

太上靈寶淨明入道品

太上靈寶淨明秘院在太上上清玄都玉京

山之西乃道君修法之院兼三景之法而統

之以和天地以奉君親以役鬼神以度人物

以逐邪魔自號太上靈寶法錄忠孝弟子主

淨明秘院同管法事有違職違勳即於此下

稱之當至心行持一孝悌二鍊形三戒度逐

日燒香朝禮禮拜諸天為國王父母賢榮福

壽次為一切有情方乃依次呼召神明有事

委問之无事即遣其速歸勿分心中常務正

直孝友不得邪淫詭曲輕道慢法如欲降未

來之愆即當置一小冊目錄所為其有欺心

自不可形於紙者是也凡有似此即速改之

則法術自靈如或違之則災咎立至但能依

此則造勳正授超舉凡塵天書秘法忽然而

至問弟子能行否

凡得淨明法者當自畏懼遠日恭敬君上孝悌六親克苦修行勤誠濟拔心中常如負人不可報之恩思有必可報之意則怡聲下氣无恙无怒正得淨明之體坐卧處常置一鑑

一盂水則自知吾立法之意

凡得淨明法者皆上帝記錄委任不輕罪消此府記名南宮吏十二在前吏十二在後無論汗潔行止必隨今人出入有左右使令尚不敢輕為淫僻况此天神名在仙錄護衛於子子可忍諸

凡得淨明法者金骨玉肉已與神通手判幽陰言接靈妙若懷淫僻則正如以金玉棄之土壤慎无播蕩損動炁血炁血堅完則妖邪不入自得正真不致夭折飛昇超舉長生之本在於不貪淫欲切宜記之

凡得淨明法者在世暫以塵劫未足不即超昇如能積行累功計必離凡入聖恩生於害无嫌棄妻子於等閑害生於恩莫善慕妻子而淪喪閨門之內以義斷恩割愛捨情同歸

實漢若夫貪求聚物克意无厭損物陷人以遺兒女勞形竭髓以悅婦人則此皆可已如能化之以道同學修行可謂知本設或不從則於成道之日彼亦大策福慶何必區區眼目之事

凡得淨明法者務在濟物見他人之父見他人之母如我父母矜老恤孤憐貧憫病如病危急若在己身如此用心可得吾理當念之凡得淨明法者務在廉平居官者無恃富貴居貧者莫羞貧賤天公受分毫錢無私我見諸弟子得吾法之後妄意行持居多害物擅自斬伐考戮鬼神叱咤雲雷如使奴僕官貴者逢召不至貧賤者見利即往或因怒罵使役鬼神使之報怨殺讎曲用天憲折破條文增添字劃皆吾所甚病也

凡得淨明法者雖不昇真亦能尸解雖未明中役鬼亦且暗處伏從即不得使生憤躁要在聖切我諸弟子多有受法之後不量己之積累便即答怨父師无寸功而便欲飛升神未明達而便欲堅求玄奧則又可以為戒也


凡得淨明法者不得妄以付人且自為度師直候見聞位在陰官當遇緣合之人望東燒香以問於我我許即傳即我是度師汝為傳教之師日宮太陽孝道明王乃祖師也吳君為籍師謹姆為經師日直元君張公即監度師如數十弟子成道則他日昇真當如我矣凡得淨明法者以緣合忠孝炁血完實直諒可受之人而傳之即不得以貧而不授富而則傳違之罪及三世

凡得淨明法者將欲傳度即具表奏祖師太陽上帝依常式醮設三界證明謝恩務在量力不得舉債破費財物夫所吾一時旨喻不限定儀也

凡得淨明法者過人傳付之時即表奏之後於表奏內保明弟子九代加昇仙職使捕為四字仙佐其夜書符九道結草人九箇望天門燒則此草人化為九直符執符以往不論地獄六道即此符到處便得解釋以此符文於天樞院請領文字便是仙官如有仙職者後昇階次書符之時戴日履斗口傳心受望

天門書之

符朱書



書符呪曰

淨明秘典昇入仙官忠孝之子福及其親九世蒙秩受命升仙寶錄行處无不奉以周旋急急如律令

然後方付上件文字與之行持拍子文由斗想日在頭上

太上靈寶淨明入道品外

靈寶淨明院真師密誥

天樞院錄事羅照光奉

真師玉旨判下淨明院周演教真公等九祖

六親仙職下落今具本司契勘到下項

祖諱賢 紫微殿善簿判官

祖諱遵 禮部左大判官

祖諱伯通 保命真人 玉皇殿

祖諱瓊 妙應真人 玉清官

祖諱格 志孝真人

祖諱敬 述祥光真人

祖諱嘉 正志道真人 上清官

祖諱秀 先普惠真人 上清官

祖諱清 太微西度元君 玉清官

父諱秋 東極保壽元君 玉清官

鄧氏 紫微殿第十一傳言

金氏 玉皇殿注生童子

郝氏 淨至仙童

蔡氏 運修仙童

盧氏 度厄仙童

錢氏 道君左傳言

盛氏 丹霞會睦元君

王氏 康肅廣修元君

錢氏 忠養華元君

史氏 顯道元君

已上並係淨明院法師三人恩及者尚必法

師三代及六親未有定奪謹具呈

太歲己酉三月十五日司記開昨奉

教師位關傳到楊文卿真童治願邪癘癆已

安就平靈應真依奉

祖師真旨傳付後學者用深黃者染背心一

面書一道而東取炁三口

呪曰

日出靈光月映西方南北二斗統臨紀綱

保我法子百病消亡邪魔犯者立受其殃

符式朱書 拍實

